

Presiden Turkmenistan Mulakan Lawatan Negara Tiga Hari Ke Malaysia Pada Selasa Bernama 06 Disember, 2011

KUALA LUMPUR, 6 Dis (Bernama) -- Presiden Turkmenistan Gurbanguly Berdimuhamedov pada Selasa memulakan lawatan negara ke Malaysia selama tiga hari, bagi meningkatkan lahi hubungan dua hala antara kedua-dua negara.

Dalam lawatannya Berdimuhamedov yang diiringi oleh Naib Perdana Menteri yang juga Menteri Luar Rashid Meredov, serta pegawai-pegawai kanan kerajaan, akan turut mengadap Yang di-Pertuan Agong Tuanku Mizan Zainal Abidin.

Beliau juga akan menyertai satu delegasi dalam mengadakan pertemuan bagi membincangkan isu-isu dua hala, serantau, dan antarabangsa, yang mempunyai kepentingan bersama kedua-dua negara, menurut satu kenyataan yang dikeluarkan oleh Kementerian Luar di sini.

Semasa di sini Berdimuhamedov juga akan melawat Menara Berkembar Petronas, dan dianugerah Doktor Kehormat oleh Universiti Teknologi Petronas (UTP).

Dari segi hubungan perdagangan, Turkmenistan merupakan rakan dagang Malaysia yang ketiga terbesar di wilayah Asia Tengah.

Jumlah hubungan antara dua negara tahun lepas mencatatkan jumlah US\$29.75 juta, berbanding US\$205.61 juta pada tahun sebelumnya.

---BERNAMA

Hakcipta © 2011 BERNAMA

Source: <http://www.bernama.com/bernama/v5/bm/newsindex.php?id=632173>